

Verbâl de riunion dal Consei Gjenerâl dai 22 di Fevrâr dal 2019

Clamât adun cun letare prot. 047/19 dai 12 di Fevrâr dal 2019, vinars ai 22 di Fevrâr dal 2019 aes cuatri e mieze sore sere si à dât dongje a Udin, te sede di vie Manin 18, il Consei Gjenerâl de Societât Filologjiche Furlane, par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions su lis modifichis dal Statût de Societât Filologjiche Furlane;
3. Comunicazions su la procedure pe elezion dai orghins diretîfs (trienât 2019-2021);
4. Comunicazions su la adesion ae Associazion Teatri stabil Furlan;
5. Variis.

Ae clamade dal President Federico Vicario a rispuindin i conseîrs:

Bortolussi, Carlon, Chiarandini, Cinausero Hofer, Del Fabbro, del Torre, Della Mora, Di Gleria, Donada, Finco, Frisano, Grossutti, Lorenzini, Madriz, Medeossi, Menegoz, Mitri, Montico, Muzzatti, Padovani, Pagnucco, Pastres, Pelizzo, Petris, Roncali, Ruffini, Sclippa, Sluga, Taverna, Tilatti, Varutti, Venuti, Zoldan.

Si son justificâts:

Begotti, Bulfon, Castellarin, Fadelli, Janeffi, Mariuz, Michellut, Miotto, Moro, Perini, Portelli, Pugnetti, Romanzin, Saccomano, Serena, Vezzi, Zanello.

No son:

Aita, Angeli, Baron, Bergamini, Bogaro, Calligaris, Cozzi, Del Col, Franco, Frau, Milanese, Morandini, Ottogalli, Pascoli, Rizzolatti, Sicco, Tassin, Tirelli, Zof.

PONT NUMAR 1 DAL O.D.D.:

Leture e aprovazion dal verbâl de volte prime.

Il President al lei il verbâl de riunion dal Consei Gjenerâl dai 21 di Dicembar dal 2018.

Al interven Pagnucco che al domande che i verbâi a ripuartedin ju intervents in maniere complete e no dome in struc.

Pelizzo al propon che se i conseîrs a intindin che al sedi ripuartât par intîr il lôr intervent, si à di presentâlu par iscrit al verbalizant daûr man.

Il President al propon che il verbâl de volte prime al vignedi inviât insiemit ae convocazion de riunion seguitive.

Il verbâl al ven fat bon a maiorange cu la astension di Pagnucco.

PONT NUMAR 2 DAL O.D.D.:

Comunicazions su lis modifichis dal Statût de Societât Filologjiche Furlane

Il President e il Tesorâr a presentin al Consei lis propuestis di modifiche dal Statût par adeguâlu ae gnove normative dal Tierç Setôr (D.Lgs. 117/2017).

Sul argoment a intervegnin:

- Donada al propon di riclamâ tal Statût la formazion, il riferiment ai gnûfs residents in Friûl e aes comunitâts lenghisticis tal forest;
- Pelizzo al domande sclariments sui articui che a rivaordin i socis, e su la funzion de deleghe pal Uffici di Presidence;
- Sluga, Pagnucco, Muzzatti e Petris a intervegnin sul numar dai components dal gnûf Consei Diretîf, in particolâr su la oportunitât di vê un numar fis e no determinabil di bande de Assemblee;
- Cinausero Hofer e riten che la partecipazion ai orghins sociâi de Filologjiche e à di jessi tant che un oblic morâl, cussì come colaborâ tes iniziativas de Societât;
- Della Mora, al propon di riviodi il numar des deleghis par ogni soci in assemblee, e al domande sclariments cun rivuart al articul 20 dal gnûf statût sul rûl e funzion dai volontaris.

PONT NUMAR 3 DAL O.D.D.:

Comunicazions su la procedure pe elezion dai orghins diretîfs (trienât 2019-2021);

Il President al ricuarde che la Assemblee che e sarà clamade dongje ai 10 di Març e varà di elei i gnûfs orghins diretîfs, e al comuniche al Consei Gjenerâl lis liniis vuide pe conferme e pe siele dai candidâts al consei gjenerâl (la rapresentance di ents e istitûts dal Friûl, il numar di presincis tai conseis e comitâts, il rûl e la funzion davuelte dentri de Societât, e v.i.).

Al interven Pelizzo par confermâ che nol intint proponi la sô conferme par lassâ il puest a altris socis, pussibilmentri dal Civaldalês.

PONT NUMAR 4 DAL O.D.D.:

Comunicazions su la adesion ae Associazion Teatri stabil Furlan

Il pont nol ven tratât.

PONT NUMAR 5 DAL O.D.D.:

Variis.

Nuie ce segnalâ.

La riunion si siere aes 17.45.

Il segretari verbalizant

Feliciano Medeot